



KERATAN AKHBAR

AKHBAR	:	SINAR HARIAN			
TARIKH	:	21/10/2019	MUKA SURAT	:	18
JABATAN	:	PERHILITAN			
KLASIFIKASI	:	PERHATIAN			

Seekor lagi gajah jenis pygmy dibunuh di Sabah

KOTA KINABALU - Seekor lagi gajah dewasa jenis Pygmy Borneo ditemui mati ditembak dengan kedua-dua gadingnya hilang di sebuah ladang di daerah Beluran, 210 kilometer dari Kota Kinabalu.

Memetik laporan *The Star Online*, Pengarah Jabatan Hidupan Liar Sabah, Augustine Tuuga berkata, bangkai gajah pygmy itu dite-

mui oleh pekerja ladang pagi kelmarin.

"Pasukan veterinar dan ranger kami pergi ke lokasi untuk melakukan siasatan dan bedah siasat selepas menerima laporan penemuan bangkai itu," katanya.

Beliau berkata, setakat ini beliau masih belum menerima butiran lengkap mengenai keputusan bedah siasat berkenaan.

"Daripada apa yang

kita tahu, gajah ditembak mati dan dua gading dikeluarkan," katanya.

Difahamkan, gajah berkenaan dianggarkan telah mati tiga hari lalu.

Mengulas siasatan ke atas lima suspek pembunuh gajah yang ditangkap berkaitan dengan insiden sama di Tawau sebelum ini, Augustine berkata, pihaknya akan meneruskan pendakwaan terhadap suspek di mahkamah tidak lama lagi.

Pada 24 September lalu, bangkai seekor gajah ditemui terendam dalam sungai oleh sekumpulan pemancing ketika memancing di Hulu Sungai Udin, Dumpas, Tawau dengan leher haiwan itu diikat tali.

Terdapat kira-kira 40 kesan tembakan dan lebih 70 butir peluru pada badan haiwan itu.

FOTO: THE STAR ONLINE



Gajah dewasa yang ditemui mati dengan kesan tembakan di sebuah ladang di daerah Beluran kelmarin.